



XURADO PROVINCIAL DE MONTES VECIÑAIS EN MAN COMÚN.

Expediente nº: 5/2007.

RESOLUCIÓN

PRESIDENTE:

D. Emilio López Pérez

VOGAIS:

D. Xabier Bruña García

D. David Díaz Losada

Dna. Lorena Otero López

SECRETARIA:

Dna. Ana Manuela Belinchón Jiménez

Na cidade de Lugo, o día dezasete de decembro de dous mil oito, o Xurado Provincial de Montes Veciñais en Man Común, constituído polas persoas que á marxe se relacionan, reunido na sala de xuntas da Delegación Provincial da Consellería do Medio Rural, adoptou a seguinte **RESOLUCIÓN:**

Visto no día da data o expediente número 5/2007 para a posible clasificación como veciñal en man común do monte **DE SANTA MARÍA DE PIÑO**, no concello de **A POBRA DO BROLLÓN**, iniciado por acordo do Xurado do 18 de decembro de 2007, sendo vogal instrutor **D. XABIER BRUÑA GARCÍA**, e resultando os seguintes:

ANTECEDENTES DE FEITO

PRIMEIRO: Aceptado o cargo polo vogal instrutor (coa data do 21 de xaneiro de 2008), iniciouse o expediente número 5/2007 (por instancia de **Dna. Beatriz Quiroga Rodríguez**), poñendo como encabezamento do mesmo a certificación da **ACTA** da sesión do Xurado, na que se acorda a iniciación do expediente e o nomeamento do vogal instrutor.

SEGUNDO: Coa data do 18 de febreiro de 2008, recabouse do Servizo de Montes e Industrias Forestais na Delegación Provincial da Consellería do Medio Rural, certificación relativa a se o monte de referencia figura incluído ou non no catálogo dos de Utilidade Pública da provincia de **LUGO**.



TERCEIRO: Coa data do 7 de marzo de 2008, recibíuse certificación do Servizo de Montes e Industrias Forestais na Delegación Provincial da Consellería do Medio Rural, na que se fai constar que o monte **DE SANTA MARÍA DE PIÑO**, non figura incluído no catálogo dos de Utilidade Pública da provincia de **LUGO**.

CUARTO: Coa data do 15 de abril de 2008, solicitáronse do Rexistro da Propiedade de **Quiroga**, os documentos seguintes:

1º) certificación dos asentos que poidan afectar ao terreo en cuestión e que acredite o nome das persoas a favor das que estea inscrito, expresando título de adquisición, liberdade de gravames ou cargas de calquera clase inscritas ou anotadas e que estean vixentes na actualidade segundo os asentos.

2º) certificación de se algunha das devanditas cargas fora obxecto de transmisión ou estivese afecta a algunha responsabilidade, e as limitacións de dominio e condicións ou accións resolutorias ou rescisorias que estean vixentes na actualidade.

QUINTO: Coa data do 28 de abril de 2008, recibíuse certificación do Rexistro da Propiedade de Quiroga, na que se fai constar que o monte **DE SANTA MARÍA DE PIÑO**, tal e como se describe na solicitude do Xurado Provincial de Montes Veciñais en Man Común de Lugo, non figura inscrito nese rexistro.

SEXTO: Coa data do 12 de maio de 2008, comunicóuselle ao Servizo Provincial de Montes e Industrias Forestais na Delegación Provincial da Consellería do Medio Rural, a iniciación do expediente.

SÉTIMO: Coa data do 12 de maio de 2008, comunicóuselle ao concello de **A POBRA DE BROLLÓN** a iniciación do expediente e remitíronselle **EDICTOS** para a súa colocación no taboleiro de anuncios do concello, nos lugares de costume e nos asentamentos dos lugares e parroquia aos que pertence o devandito monte.

OITAVO: Coa data do 12 de maio de 2008, comunicóuselle ao Rexistro da Propiedade de Quiroga, a iniciación do expediente e solicitouse a **ANOTACIÓN PREVENTIVA**.

NOVENO: Coa data do 12 de maio de 2008, comunicóuselle a iniciación do expediente a **DNA. BEATRIZ QUIROGA RODRÍGUEZ** como solicitante da clasificación.

DÉCIMO: Coa data do 12 de maio de 2008, remitiuse **EDICTO** para a súa publicación no **D.O.G.**, poñendo en coñecemento de tódolos interesados a iniciación do expediente, co fin de que puideran comparecer e intervir nel, na defensa dos seus dereitos e intereses.

DÉCIMO PRIMEIRO: Coa data do 10 de xuño de 2008, aparece publicado o **EDICTO** no **D.O.G.** número 111, páxina 11.097, polo que se pon en coñecemento público a iniciación do expediente de clasificación do monte **DE SANTA MARÍA DE PIÑO**.

DÉCIMO SEGUNDO: Coa data do 17 de xuño de 2008, ten entrada escrito asinado por Dna. Beatriz Quiroga Rodríguez (solicitante da clasificación), manifestando non estar de acordo coa superficie que aparece reflectida nas publicacións, que é inferior á solicitada, e pide copia das parcelas incluídas para tratar de localizar o resto da superficie.



DÉCIMO TERCEIRO: Coa data do 3 de xullo de 2008, recibíuse certificación do concello de A POBRA DE BROLLÓN, na que se fai constar que o **EDICTO** estivo exposto no taboleiro de anuncios dese concello desde o día 16 de maio ata o 26 de xuño de 2008, sen que se teña presentado reclamación algunha.

DÉCIMO CUARTO: Coa data do 1 de outubro de 2008, comunicóuselle ao alcalde pedáneo ou de barrio da parroquia de **SANTA MARÍA DE PIÑO**, no concello de **A POBRA DE BROLLÓN**, o dereito da comunidade de veciños á elección de dous representantes, que poderán asistir ás reunións do Xurado nas que se estude o expediente do monte **DE SANTA MARÍA DE PIÑO**, (con voz pero sen voto).

DÉCIMO QUINTO: Coa data do 23 de outubro de 2008, recibíuse comunicación da comunidade de veciños de **SANTA MARÍA DE PIÑO**, concello de **A POBRA DE BROLLÓN**, na que como vogais representantes no Xurado pola comunidade implicada no procedemento, resultaron elixidos os seguintes veciños:

- **DON MANUEL DÍAZ MORALES**
- **DON MANUEL QUIROGA DIZ**

DÉCIMO SEXTO: Non se recibiu ningunha alegación en contra da clasificación do monte como veciñal en man común.

FUNDAMENTOS DE DEREITO

1º.- O Xurado Provincial de Montes Veciñais en Man Común ten competencia e xurisdición para coñece-lo expediente, séndolle atribuída tal competencia polo artigo 9 da Lei de Galicia 13/1989, do 10 de outubro, de Montes Veciñais en Man Común.

2º.- Examinada a documentación obrante no presente expediente, e posto que non consta que se teña presentado alegación algunha en contra da clasificación, cabe manter o comprobado no estudio previo realizado na elaboración da carpeta-ficha polo Servizo de Montes e Industrias Forestais. Atendendo, ao tipo de aproveitamento comunitario que presenta, o monte **DE SANTA MARÍA DE PIÑO**, reviste o carácter de veciñal en man común conforme ao disposto no artigo 1 da devandita Lei.

Vistos os antecedentes de feito e os fundamentos de dereito anteriores, o Xurado Provincial de Montes Veciñais en Man Común, **RESOLVE:**

CLASIFICAR como veciñal en man común o monte das seguintes características:

Nome: **DE SANTA MARÍA DE PIÑO**
 Pertenza: veciños da parroquia de **SANTA MARÍA DE PIÑO**.
 Parroquia: **SANTA MARÍA DE PIÑO**
 Concello: **A POBRA DO BROLLÓN**.
 Superficie: **25 hectáreas, 44 áreas e 36 centiáreas**.

Estremas:

Zona A:

Norte: Propiedades particulares de Dolores Álvarez Quiroga, Herminia López Pérez e outros.



Sur: Camiño de Bouzas e camiño de Pauperiza.

Leste: Propiedades de Aurora Franco Díaz, Herminia López Pérez e outros.

Oeste: Propiedades de herdeiros de Delfino Gómez Davila e outros e camiño de Bouzas.

Zona B:

Norte: Propiedades de Manuel Morales Reyes e outros.

Sur: Propiedades de José Fernández Pereza e outros.

Leste: Propiedades de Manuel María Vila García e outros.

Oeste: Propiedades de herdeiros de José Morales López e outros.

Zona C:


Norte: Propiedades de herdeiros de José López Díaz, propiedades de Antonio Pérez Franco e outros.

Sur: Camiño do canal da Confederación Hidrográfica.

Leste: Camiño de concentración.

Oeste: Estrada LU- 652.

Handwritten signatures in blue ink. On the left, a circular stamp is partially visible with the text "DELEGACIÓN PROVINCIAL EN MARZO" and "LUGO".




XUNTA DE GALICIA




CONSELLERÍA DO MEDIO RURAL
 Delegación Provincial de Lugo
 Servizo de Montes e I.F.



PROPOSTA DE CLASIFICACIÓN

MONTE: "PIÑO SANTA BÁRBARA"
 PERTENZA: C.M.V.M.C. Piño Sta Bárbara
 PARROQUIA: Santa María de Piño
 CONCELLO: A Pobra do Brollón

Escala: 1:10000

-  Parcela A
-  Parcela B
-  Parcela C

Sup. total proposta:
 25 ha, 44 a e 36 ca

Lugo, 5 novembro de 2007
 O ENXEÑEIRO DE MONTES


 Fernando Rengle Méndez-Núñez